

四庫全書

集部

欽定四庫全書

文苑英華卷一百九十一 宋 李昉等 編

朝省二

寓直五十八首

奉和姚給事中寓直之作 宋之問

清論滿朝陽高才拜夕郎還從避馬路來接珥貂行寵

就黃扉日威廻白簡霜栢臺遷烏茂一作蘭渚集作署得

人芳禁靜鐘初徹更踈漏漸長曉河低武庫流火度文

昌寓直光輝重

集作寓直
思微重

秉秋藻翰揚暗投空欲報下

調不成章

奉和庫部李員外秋夜寓直之作

前人

相庭貽慶遠才子拜郎初起草儀仙閣焚香臥直廬更
深河欲斷節勁柳疑偏踈氣耿凌雲筆心搖待漏車叨
榮廁儔侶省已慙空虛徒斐陽春和難參麗曲餘

冬夜寓直麟閣

集作
臺

前人

直事披三省重闕祕七門廣庭憐雪淨

集作靜

深屋

集作狹室

喜爐溫月幌花

一作雲

虛馥風窻竹暗喧東山白雲意茲

夕寄琴樽

和蘇員外寓直

崔

湜

前卷作喬知之

此詩已見一百九十卷

秋夜寓直中書呈黃門舅

蘇題

簾櫳上夜鉤清切聽更籌忽共雞枝老還如騎省秋循
庭喜三入對渚憶雙遊紫紱名初拜黃縑迹尚留月舒

當北幌雲賦直東樓恩渥迷天施童蒙慰我求遲君台
鼎即聞義一承流

春晚紫微省直贈內

前人

直省清華接建章向來無事日猶長花間燕子栖鳩鵲
竹下鴛鴦繞鳳凰內史通宵承紫誥中人落晚暎作愛
紅粧別離不慣無窮憶莫悞卿卿學太常

和崔黃門寓直夜聽蟬之作 張九齡

蟬嘶玉樹枝向夕蕙風吹幸入連雲閣

集作應緣飲露

知秋深聞

集作深秋思

欲近聲靜夜相宜不是黃金飾清音

徒爾為

和許給事直夜簡諸公

前人

未央鍾漏晚僊宇藹沉沉武衛千廬合嚴扃萬戶深左

掖知天近南軒

集作見

月臨樹搖金掌露庭接玉樓陰

他日聞更直中宵屬所欽聲華大國珥夙夜近臣心逸
興秉高閣雄飛在禁林寧思竊抃者情發為知音

酬通事王舍人寓直見示篇中兼起居陸舍人

景獻

前人

軒掖殊清秘才華固在斯興因膏澤灑情與惠風吹所
美應人譽何私亦我儀同聲感喬木比翼謝長離價以
陸生減賢慙鮑叔知薄遊當獨媿芳訊乃兼施此夜金
閨籍伊人瓊樹枝飛鳴復何遠相顧幸媿媿

臺中書懷

蔣冽

持憲當休明飾躬免顛沛直繩備豪右正色清冠蓋寄
切才恨薄職雄班匪大坐居三獨中立在百僚外簡牘

時休暇依然秋興多披書唯骨鯁循跡少聞和庭樹凌
霜栢池傾萎露荷歲寒應可見感此遂成歌

夏中疑

初霽南省寓直

時兼尚書郎
節度判官

前人

薄宦因時忝涼霄寓直初沉沉仙閣閉的的暗更徐霽
色連空上炎氛入夜除星迴南斗落月度北窓虛待漏
殘燈照含芳襲氣餘寐來冠不解奏罷草仍書幕府慙
良策明曹媿散檮命輕徒有報義重更難踈鸞厦欣成
托鵠行濫所如晨趨當及早復此戒朝車

同張少府和庫狄員外夏晚初霽南省寓直時
兼充節度判官之作 寇坦

黃綬歸休日仙郎復奏餘宴居當夏晚寓直會晴初露
散星文發雲披水鏡虛高才推獨唱嘉會喜連茹月色
搖春闈香煙藹暝廬一作千門傳夜警萬象照階除少

孺嘉能賦文強閱賜書兼曹謀未展入幕志方攄為奉
靈臺帛恭先待漏車貞標不可仰空此樂樵漁

和集作

崔員外秋宵寓直

王維

建禮高秋夜承明候曉過九門寒漏徹萬井曙鍾多月

迴藏珠斗雲開

集作消

出絳河更慙衰朽質南陌共鳴珂

晚出左掖

杜甫

晝刻傳呼淺春旗簇仗齊退朝花底散歸院柳邊迷樓
雪融城濕宮雲去殿低避人焚諫草騎馬欲鷄栖

春夜宿左省

前人

花隱掖垣暮啾啾棲鳥過星臨萬戶動月傍九霄多不

寐

集作寢

聽金鑠

集作鑠

因風想玉珂明朝有封事數問夜

如何

翰林讀書言懷呈集賢院內諸學士

李白

晨趨紫禁中夕待金門詔觀書散遺帙探古窮至妙片

言苟會心掩卷而忽

集作忽而

笑青蠅易相點白雪難同調

本是踈散人屢貽褊促詗雲天屬清朗林壑憶遊眺或

時清風來閒倚門

集作簷

下嘯嚴光桐廬溪謝客臨海嶠

功成謝人間

集作君

從此亦

集作一

投釣

和戶部楊員外伯成寓直

李愷

落日彌綸地，公才盡省郎。
詞驚起草筆，坐臥護衣香。
雙闕天河近，千門夕漏長。
遙知臺上宿，不獨有文強。

奉和許給事夜直簡諸公

崔顥

西掖黃樞近，東曹紫禁連。
地因才子拜，人用省郎遷。
夜直千門靜，河開萬象懸。
建章宵漏急，閭闔曉鍾傳。
寵列貂蟬位，恩深侍從年。
九重初起草，五夜即成編。
顧已無官次，循涯但自憐。
遠陪蘭渚作，空此仰神仙。

西省即事

岑參

西掖重雲開邑曙

集作開曙輝

北山疎雨點朝衣
千門柳色

連青鎖三殿花香入紫微
平明端笏陪駕列
薄暮垂鞭

信馬歸官拙自悲
頭白盡不如巖下掩

集作石偃

荆扉

和都官苗員外夜寓直對雨簡諸知己

李嘉祐

多雨深

一作南

宮夜仙郎上

一作寓

直時漏長丹鳳闕
秋冷

白雲司螢影侵階
亂鴻聲出苑
遲蕭條吏人散
靜

一作小

謝有新詩

此詩三百四十三卷重出今已削去注異同為一

作

和苗員外寓直中書

包何

朝列稱多士君家有二難貞為臺裏栢芳作省中蘭夜
直分曹間晨趨接武歡每憐雙闕下鴈序入鴛鸞

春宵寓直

錢起

養拙

集作性

慣雲臥為郎如鳥棲不知仙閣峻唯覺玉繩

低帳喜香煙煖詩慙賜筆題未央春漏促殘夢訝謝集作
晨鷄

和謝舍人雪夜寓直

皇甫曾

禁省夜沉沉春風雪蒲林滄洲歸客夢青瑣近臣心揮
翰宣鳴玉承恩在賜金建章寒漏起更助掖垣深集作
章臺

寒鴈起更
助掖垣深

晚秋集賢院即事寄徐薛二侍郎

常袞

穆穆上清居沉沉中秘書金鋪深內殿石甃淨寒渠花
樹臺斜倚空煙閣半虛縹囊披錦翠繡軸卷瓊琚墨潤
冰紋罍香銷蠹字魚翻黃桐葉老吐白桂花初舊德雙
遊處睽芳十載餘北朝榮庾薛西漢盛嚴徐侍講親華
宸微吟一作詩步綺踈綴簾金翡翠賜硯玉蟾蜍序秩東
南遠離憂歲月餘承明期重入江海意何如

奉和常舍人晚秋集賢院即事寄徐薛二侍郎

司空曙

藹藹鳳凰宮蘭臺玉曙通夜霜凝樹羽朝曉

集作

日照相

風官附三台貴儒開百氏宗司言陳禹命

集作

侍講發

堯聰香卷

集作

青編內鉛分綠字中綴籤從太史鏘珮

揖羣公池接天泉碧林交御果紅寒龜登故葉

集作秋

蝶戀疎藪顏謝徵文並鍾裴直

一作

事同離羣驚海鶴

屬思怨

集作

江楓地遠姑蘇外山長越絕東慙當哲匠

後下曲本難工

和常舍人晚秋集賢院即事十二韻寄贈江南

徐薛二侍郎

盧綸

綸閣九華前，森沉綵仗連。
洞門開旭日，清禁肅秋天。
霜

滿朝容備鍾餘曉

集作漏

唱傳瑤璫陪羽扇，端升入爐烟。

麟筆刪金篆，龍綃薦玉編。
汲書荀勗定，漢史蔡邕專。
御竹潛通筍，宮池暗瀉泉。
亂蕪繁弱蕙，墜葉灑枯蓮。
列署齊遊日，重江並謫年。
登封思議草，侍講憶同筵。
滄海風濤廣，黝山瘴雨偏。
唯應絨上寶，贈遠一呈妍。

奉和太常王卿詔李舍人中書寓直春夜對月

見寄

前人

露如輕雨月如霜不見星河見鴈行
虛暈入池波自泛
滿輪當苑桂偏香
春臺幾望黃龍闕
雲露寧分白玉廊
是夜巴歌應金石
豈殊螢影對清光

和王員外冬夜寓直

前人

高步長裾錦帳郎居然自是漢賢良
潘岳叙年因鬢髮
楊雄托諫在文章
九天韶樂飄寒月
萬戶香塵裊夜霜
坐見重門儼朝騎
可憐雲路好翱翔

訓金部王郎中省中春日

前人

南宮樹色曉森森雖有春光未有陰
鶴侶正宜芳景引玉人那為簿書沉
山含瑞氣偏當日鷺逐輕風不在林
更有阮郎迷路處萬株紅樹一谿深

夜直省中

韋應物

見集本

河漢有秋氣

集作意

南宮生早涼玉漏殊杳杳雲闕更蒼

蒼華燈發新照

集作

輕烟浮夕香顧跡知為忝束帶愧

周行

奉和給事寓直

崔峒

桂枝家共折鷄樹代相傳
忝向鸞臺下仍看鴈影連
夜閒方步月漏盡欲朝天
知去丹墀近明王許薦賢

初入集賢院奉贈李獻仁

曾於常山聯官

前人

燕代官初罷江湖路便分
九遷從命薄四十幸人聞
跡愧趨丹禁身曾繫白雲
何由返滄海昨日謁明君

奉酬李舍人秋日寓直見寄

張南史

秋日金華直遙知玉佩清九重門更肅五色詔初成槐
落宮中影鴻高芳遠一作苑外聲翻從魏闕下江海寄幽情

同韓侍郎秋朝使院

前人

重門啓曙闕一葉報秋還露井桐柯濕風庭鶴翅閒忘
情簪白筆假夢入深山惆悵祇應此難裁語默間

暮春南臺承再除給事中

仍是本廳几榻
杖履宛然如舊

薛存誠

再入青瑣闈忝官誠自非拂塵驚物在開戶待僧歸積

草漸無逕殘花猶灑衣禁闈偏日近行坐在恩輝

初秋月夜中書宿直因呈揚閣老

權德輿

欹枕直廬暇風蟬迎早秋沉沉玉堂夕皎皎金波流對
掌喜新命分曹諧舊遊相思翫華彩因感庾公樓

晚秋陪崔閣老張祕監閣老苗考功同游昊天

觀時楊閣老新直未滿以詩見寄斐然酬和

有媿無音

前人

方駕遊何許仙源去似歸紫迴留勝賞蕭灑出塵機泛
菊賢人至燒丹姹女飛步虛清曉籟隱几吸晨輝竹逕
琅玕合芝田沆瀣晞銀鈎三洞字瑤笥六銖衣麗句翻
紅藥佳期限紫微徒然一相望郢曲和應稀

和胡將軍寓直

王建

宮鷗棲盡禁搶擯樓殿深嚴月色寒進狀直穿金戟櫟
探更先傍玉鈎欄漏傳五點班初合鼓動三聲仗已端
遙見正南宣不坐新栽松樹喚人看

省中直夜對雪寄李師素侍郎

令狐楚

密雪紛初降重城杳未開
雜花飛爛熳連蝶舞徘徊
灑散千株葉銷凝九陌埃
素華凝粉署清氣繞霜臺
明覺侵窓積寒知度塞來
謝家爭擬絮越嶺悞驚梅
暗魄微茫照嚴飈次第催
一作堆稍封黃竹亞先集紫蘭摧
孫室臨書幌梁園泛酒盃
靜懷瓊樹倚醉憶玉山頽
翠陌饑鳥噪蒼雲遠鴈哀
此時方夜直想望意悠哉

南宮夜直宿見李給事題其日所下制勅知奏

直在東省因以詩寄

前人

番直同遙夜嚴局限幾重青編書白雀

其日勅鄜州奏
白雀宜付史館

黃紙降蒼龍北極絲綸句東垣翰墨蹤尚垂玄露點猶
濕紫泥封炫眼凝仙燭馳心裊禁鍾定應形夢寐暫似
接音容玉樹春枝動金罇臘醲醲在朝君最舊休澣許
過從

早秋集賢院即事

時為
學士

劉禹錫

金數已三伏火星正西流樹含清露曉閣倚碧天秋灰
琯應新律銅壺添夜籌商飈從朔塞爽氣入神州蕙草
香書殿槐花點御樓集作滿山明真色見水淨濁煙收早
歲忝華省再來成白頭幸依羣玉府有路向瀛洲

奉和武中丞秋日臺中寄懷簡諸僚故時西蕃使廻奉

命追和

呂溫

聖朝思紀律憲府得忠賢指顧風行地儀行月麗天不
仁恒自遠為政復何先虛室惟生白閒門集作情却草玄

迎霜紅葉早過雨綠

集作碧

苔鮮魚樂翻秋水鳥聲隔暮

煙舊遊多絕席感物遂成篇更許窮荒客追歌白雪前

待漏入閣書事奉贈元九學士閣老

白居易

衙排宣政仗門啓紫宸闕彩筆停書几

几作命

花塼趺立

班稀星點銀礫殘月墮金鑲

集作環

暗漏猶傳水明河漸

下山從東分地色政

集作向

北仰天顏碧湧鑪煙直紅垂

旆尾閒綸帟

集作關

慙並入翰苑忝先攀笑我青袍故饒

君紫

集作

綬殷詩仙歸洞裡酒病帶人間好去駕鸞侶

冲天便不還

夏夜直宿

前人

人少庭宇曠夜涼風露清槐花滿院氣松子落階聲寂
默挑燈坐沉吟蹋月行年哀自無趣不是厭承明

中書直堂

集作
寓直

前人

繚繞宮牆圍禁苑

集作
林

半開閤闔曉沉沉天晴更覺南

山近月出方知西掖深病對詞頭慙綵筆老看鏡面愧

華簪自嫌野物將何用土木形骸麋鹿心

見于給事暇日上直寄南省諸郎官詩因以戲

贈

前人

倚作天仙弄地仙誇張一日抵千年黃麻勅勝長生錄

白紵詞嫌內景篇雪貌莫

集作雲彩誤一作容貌誤

居青瑣地風流

合在紫微天東曹漸去西垣近鶴駕無妨更著鞭

此詩二百五十八卷重出今已削去注異同為一

作

西掖早秋直夜書意

前人

涼風起禁掖，新月生宮沼。
夜半秋暗來，萬年枝嫋嫋。
炎涼遞時節，鍾鼓交昏曉。
偶聖惜年衰，報恩愁力少。
素餐無補益，朱紱集作紋虛纏繞。
冠蓋栖野雲，稻粱養山鳥。
量能集作內私自省，所得已非少。
五品不為賤，五十不為夭。
若無知足心，貪求何日了。

憶夜直金鑾奉詔

李紳

月當銀漢玉繩低，深聽簫韶碧落齊。
門壓紫垣高綺樹，

闕連青瑣近丹梯墨宣外渥催飛詔草定新恩促換題

明日

一作惟我

獨歸花路遠可憐人世隔雲泥

奉和朝翰林丁侍郎禁署早春晴望

劉得仁

御林聞有早鶯聲玉檻春香九陌晴寒著霽雲歸紫閣
暖浮佳氣動皇城宮池日到冰初解輦路風吹草欲生
駕侶此時皆賦詠商山雪在思尤清

休澣日謁西掖所知因成長句

溫庭筠

見集本

赤墀高閣自從容
玉女窻扉報曙鍾
日麗九華青瑣闥
雨晴雙闕翠微峯
毫端蕙露滋仙草
琴上薰風入禁松
荀令鳳池春婉婉
好將餘潤變魚龍

冬夕和范秘書省宿

李頻

每入得閒吟
清曹閣下深
因知遙夜坐
別有遠山心
芸細書中氣
松疎雪上陰
幾時高興足
還復插朝簪

和范秘書省中作

喻坦之

清省宜寒夜仙才稱獨吟
鍾來宮轉漏月過閣移陰
鶴壁燈前靜芸臺幄外深
想知因此興暫動憶山心

南宮寓直

鄭谷

寓直事非輕官孤憂且榮
制承黃紙重詞見紫垣清
曉

霽庭松色風和禁漏聲

曾一作僧

携新茗伴更

集作吏掃對僧字

落花迎鑠印詩心動垂簾
睡思生粉廊曾試處

直事稍暇則於

都堂四廊下尋頃年試所題名記至今多在

石柱昔賢名來誤宮牕
驚啼疑

苑樹驚殘陽晴

集作應

更好歸速限嚴城

春日

集作夕

伴同年禮部趙員外省直

集作直省

前人

錦帳名郎重錦窠清宵寓直縱吟哦
冰含玉鏡春寒在粉傅仙闌月色多
視草即應歸屬望握蘭知道暫經過
流鶯百轉和殘漏猶把芳罇藉露荷

文昌寓直

前人

何遜空階夜雨平朝來交直雨新晴
落花亂上花磚上不忍和苔踏紫英

忝官諫垣明日轉對

前人

吾君英睿相君賢其奈震區未晏然明日翠華春殿下
不知何語可聞天

祕書伴直

張喬

高枝聚暝禽疊閣鎖遙岑待月當秋直看書廢夜吟殘
薪留火細古井汲瓶深縱欲抄前史一作古貧難遂此心

省中偶作

前人

三轉郎曹自

集作出

勉旃莎堦吟步想前賢不集作未如何

遜無佳句若比馮唐是壯年
捧制名題黃紙尾約僧心
在白雲邊乳毛松雪春來好
直夜清閒且學禪

文苑英華卷一百九十一

欽定四庫全書

文苑英華卷一百九十二 宋 李昉等 編

樂府一

樂府共六十卷以藝文類聚初學記文粹諸人文集并郭茂倩劉次莊樂府叅校注下同

者為一作

京洛篇二首

帝王所居篇一首

帝京篇十一首

煌煌京洛篇二首

新城安樂宮三首

凌雲臺二首

長安道十六首

洛陽十七首

京洛篇

梁簡文帝

南遊偃師縣斜上灞陵東迴瞻龍首堞遙望德陽宮重
門遠照曜天閣復穹窿城旁疑複道樹裏識松風黃河
入洛水丹泉繞射熊夜輪懸素魄朝天一作光蕩碧空秋

霜曉驅鴈春雨暮成虹咸

一作曲

陽

曲陽侯漢外戚王根也

造甲第

高安還禁中劉蒼歸作相竇憲出臨戎此時車馬合茲
晨冠蓋通誰知兩京盛歡宴遂無窮

同前

李巨仁

京洛類神仙
藹藹却雲烟
漸臺臨太液
玉樹並甘泉
車喧平樂外
騎擁濯龍前
競結蕭朱綬
爭攀李郭船
獨悲韓長孺
死灰猶未燃

帝王所居篇

張正見

崑崙雄帝宅
宛雒壯皇居
紫微臨複道
丹水亘通渠
沉沉飛雨殿
藹藹承明廬
兩宮分棨日
雙闕並凌虛
休氣充青瑣
榮光入綺疎
霞明仁壽鏡
日照凌雲書
鳴鸞背
鳩鵲詔蹕幸
儲胥長揚飛
玉輦御宿陟
金輿柳葉緹
飄

騎槐花影翻車薄暮歸平樂歌鐘蒲玉除

帝京篇

並作十首

唐太宗

秦川雄帝宅函谷壯皇居綺殿千尋起離宮百雉餘連
甍遙接漢飛觀迥凌虛日月隱層闕風煙出綺疏

二

巖廊罷機務崇文聊駐輦玉匣啓龍圖金繩披鳥

一作鳳

篆常編斷方續縹帙舒還卷對此乃忘憂

一作淹留歌案觀

墳典

三

移步出詞林停輿欣武宴
琯弓寫明月駿馬疑流電
驚鴈落虛弦啼猿悲急箭
閱賞誠多美於茲乃忘倦

四

鳴笳臨樂館眺聽歡芳節
急管韻朱絃清歌凝白雪
彩鳳肅來儀玄鶴紛成列
去茲鄭衛聲雅音方可悅

五

芳辰開

一作追

逸趣禁苑信多奇
橋形通漢上峯勢接雲

危煙霞交隱映花鳥自參差何如肆轍跡萬里賞瑤池

六

飛蓋去芳園蘭橈遊翠渚梁一作萍間日影亂荷處香風

舉桂檝滿中川絃歌振長嶼豈獨汾河曲方為歡宴所

七

落日

一作雙闕昏迴輿九重暮長烟引散

一作初碧皎月

澄輕素褰幌翫琴書開軒引雲霧斜漢耿層閣清風搖

玉樹

八

歡樂難再逢芳晨真良

一作良

可惜玉酒泛

一作滿

雲壘蘭肴

陳綺席千鍾合堯禹百獸諧金石得志重寸陰忘懷輕
尺璧

九

建章歡賞夕二八盡妖妍羅綺昭陽殿芬芳璫瑁筵珮
移星正動扇掩月初圓無勞上玄圃即此對神仙

十

以茲遊觀極悠然獨長想披卷覽前蹤撫躬尋既往望
古茅茨約瞻今蘭殿廣人道惡高危虛心誠盈蕩奉天
竭誠敬臨民思惠養納善察忠諫明科慎刑賞五六誠
難繼四三非易仰廣待淳化敷方嗣云亭響

同前

駱賓王

山河千里國城闕九重門不睹皇居壯安知天子尊皇
居帝里峭函谷鷄野龍山侯甸服五緯連影集星躔八
水分流橫地軸秦塞重關一百二漢家離宮三十六桂

殿陰岑對玉樓椒房窈窕連金屋三條九陌鳳一作麗城

隈萬戶千門平旦開複道斜通鳩鵲觀交衢直指鳳凰

臺劍履南宮入簪纓北闕來聲明冠寰宇文物象昭回

鉤陳肅蘭圜壁沼浮槐市銅羽應風迴金莖承露起校

文天祿閣習戰昆明水朱邸接一作抗平臺黃扉通戚里

平臺戚里帶崇墉炊一作金饌玉待鳴鐘小堂綺帳三

千戶大道青樓十二重寶蓋雕鞍金絡馬蘭窓繡柱玉

盤龍繡一作綺柱璇題粉壁映鏘金鳴玉王侯盛王侯貴

人多近臣朝遊北里暮南隣陸賈分金將燕喜陳遵投

轄正留賓趙李經過密蕭朱交結親丹鳳朱城白日暮

青牛紺幘紅塵度俠客珠彈垂楊道倡婦銀鈎採桑路

倡家桃李自芬

一作芳

非京華遊俠事

一作盛

輕肥延年女

弟雙鳳入羅敷使君千騎歸同心結縷帶連理織成衣

春朝挂樽樽百味秋夜蘭燈燈九微翠幌珠簾不獨映

清歌寶瑟自相依且論三萬六千是寧知四十九年非

古來名

一作榮

利若浮雲人生倚仗信離

一作難

分始見田

竇相移代我聞衛霍有功勲未厭金陵氣先開石槨文
朱門無復張公子灞亭誰畏李將軍相顧百齡皆有待
居然萬物咸應改桂枝芳氣已銷亡栢梁高宴今何在
春去春來若自馳爭名爭利徒爾為久留郎署終難遇
空掃相門誰見知當時一作莫矜一旦擅豪華自古千載長
驕奢倏忽搏風生羽翼須臾失浪委泥沙黃雀徒巢桂
青門遂種瓜黃金銷鑠素絲變一貴一賤交情見紅顏
宿昔白頭新脫粟布衣輕故人故人有湮淪新知無意

氣灰死韓安國羅傷翟廷尉已矣哉歸去來馬卿辭蜀
多文藻揚雄仕漢乏良媒三冬自矜成足用十年不調
幾遭迴汲黯新逾積孫弘閣未開誰惜長沙傅一作獨賦
負洛陽才

煌煌京洛行

張正見

千門儼西漢萬戶擅東京凌雲霞上起鳩鵲月中生風
塵暮不息簫管夜恒鳴唯一作誰當賣藥樹不入長安城

同前

戴嵩

欲知佳麗地為君陳帝京由來稱俠窟爭利復爭名鑄

銅門外馬刻石水中鯨黑龍過飲渭丹鳳俯臨城羣公

邀一作惡郭解天子問黃瓊詔幸平陽第騎指伏波營五

侯同拜爵七貴各垂纓衣風飄颻起車塵暗浪生舞見

淮南法歌聞齊后聲揮金留客坐饌玉待鐘鳴獨有文

園客一作令偏嗟武騎輕

新城安樂宮

梁簡文帝

遙看雲霧裏一作中刻一作列楠映丹虹珠簾通曉日金華

拂夜風欲知歌管處來過安樂宮

同前

陰鏗

新宮實壯哉雲裏望樓臺迢遞翔鷗仰聯

一作連

翮賀鸞

一作雀

來重簷寒露

一作霧

宿返景

一作又作丹井

夏蓮開砌石

披新錦花梁畫早梅欲知安樂盛歌管雜塵埃

同前

陳子良

春色照蘭宮秦女旦窓中柳葉來眉上桃花落臉紅拂
塵開扇匝卷帳却薰籠衫薄偏憎日裙輕更畏風

凌雲臺

謝舉

綺甍懸桂棟，隱映傍

一作月旁又作暖

檣柯勢高凌，玉井臨迥

度金波，易覺涼風至。

一作鴈

過高臺相思曲，望

遠騷人歌幸矚

一作屬

此迢遞知冰寒露多

一作雲霧多

同前

王褒

高臺懸百尺，中央殊未窮。北臨酸棗寺，西眺明光宮。城旁抵雙府，林裏對相風。書題鹿盧榜，觀寫飛廉銅。窻開神女電，梁映美人虹。虞捐濫失寵，鄭督特懷忠。莊生垂

翠鈞昭儀拒一作抵關熊馳輪有盈闕人道亦汗隆還念

西陵舞非復鄴城中

長安道

梁簡文帝

神臯開隴右陸海實西秦推輪抵赤縣一作金槌復道

向宜春落花依度幘垂柳拂行人金張與一作及許史夜

夜尚留賓

同前

梁元帝

西接長楸道南望小平津飛甍臨綺翼輕軒影畫輪雕

鞍承赭汗槐路起紅塵燕姬雜趙女淹留重上春

同前

庾肩吾

桂宮延複道黃山開廣路遠聽平陵鐘遙識新豐樹合
殿生光彩離宮起煙霧日落歌吹還塵飛車馬度

同前

蕭賁

前登灞陵岸還瞻渭水流城形類北斗橋勢似牽牛飛

軒駕良駟寶劍雜輕裘經過狹斜里

一作裏日暮興一作與

作淹留

同前

徐陵

輦道乘雙闕，豪雄被五都。
橫橋象天漢，法駕應坤圖。
韓康賣良藥，董偃鬻明珠。
喧喧擁車騎，非但執金吾。

同前

陳晷

長安開繡陌，三條向綺門。
張敞車單馬，韓嫣乘副軒。
寵深來借殿，功多競買園。
將軍夜夜返，絃歌著曙暄。

同前

顧野王

鳳樓臨廣路，仙掌入煙霞。
章臺京兆馬，逸陌富平車。
東

門疏廣餞北闕董賢家渭橋縱觀罷安能訪狹斜

同前

阮卓

長安馳道上鐘鼓

一作鳴

宮寺開殘雲銷鳳闕宿霧斂章

臺騎轉金吾度車鳴丞相來藹藹東都晚羣公駟御迴

同前

江總

翠蓋乘輕霧

一作露

金羈照落暉五侯新拜罷七貴早朝

歸轟轟紫陌上藹藹紅塵飛日暮延年

一作平

客風花拂

舞衣

同前

沈佺期

秦地平如掌層城入

一作出

雲漢樓閣九衢春車馬千門

旦綠槐開復合紅塵聚還散日晚關鷄還

一作迴

經過狹

斜看

同前

崔顥

長安甲第高人雲誰家居住霍將軍日晚朝迴擁賓從
路旁拜揖何紛紛莫言炙手手可熱須臾火盡灰亦滅
莫言貧賤即可欺人生富貴自有時一朝天子賜顏色

世上悠悠應始知

同前

皇甫冉

長安九城路戚里五豪家結束趨平樂聯翩抵狹斜
高樓臨積水複道出繁花唯有相如宅蓬門度歲華

同前

韋應物

漢家宮殿含雲烟兩宮十里相連

一作聯

延晨霞出沒弄

丹闕春雨霏微似甘泉

一作春雨依微自甘泉

甘泉

一作春雨

依微春

尚早長安貴遊愛芳草寶馬橫來下建章香車却轉避

馳道貴遊誰最貴
衛霍世難比
何能蒙主恩
幸遇邊塵起
歸來甲第拱
皇居
朱門戕戕臨
九衢
中有流蘇合歡
之寶帳
一百二十鳳凰羅
列銜明珠下有金一作錦鋪翠

被之燦爛博山吐香五雲散
麗人綺閣情飄飄
頭上駕

釵雙翠翹
低鬟曳袖迴
春雪聚黛一聲愁
碧霄山珍海

錯棄藩籬烹犢炮羔如折葵
既請列侯封
部曲還將金

印授盧兒歡榮若此何所苦
一作但苦白日西南馳

此詩三百四十二卷重出今已削去注異同為一

作

同前

白居易

花枝缺處青樓開
艷歌一曲酒一盃
美人勸我急行樂
自古朱顏不再來
君不見外州客
長安道一迴來一迴
老

同前

薛能

汲汲復營營
東西連兩京
關繻古若在山岳
累應成各
自有身事不相知
姓名交馳兼一作喧
衆類分散入重城

此去應

集作此路去

無盡萬方人旋

一作始

生空餘片言苦來

往覓劉禎

同前

王貞白

曉鼓人已行暮鼓人未息梯航萬國來爭先貢金帛不問賢與愚但論官與職如何貧書生只獻安邊策

洛陽道

梁簡文帝

洛陽佳麗所大道滿春光遊童初

一作時

挾彈蠶妾始提

筐金鞍照

一作被

龍馬羅袖

一作袂

拂春桑玉車爭晚入潘

果溢高廂

同前

庚肩吾

徽道臨河曲層城傍漢洛作川金門纔出柳銅井半含泉

日起累恩外車迴雙闕前潘生時未返遙心從眷然

同前

岑敬之

喧喧洛川一作水濱鬱鬱小平津路傍桃李節陌上採桑

春聚車看衛玠連手望安仁復有能留客莫愁嬌態新

同前

張正見

層城啓旦扉上洛滿春輝柳影綠溝合槐花夾路飛蘇
合彈珠罷黃間負翳歸紅塵暮不息相看連騎稀

同前

陳瑄

洛陽九達上

一作
衢上

羅綺四時春路傍避驄馬車中看玉

人鎮西歌艷曲臨淄逢麗神欲知雙璧價潘夏正連茵

同前

車歎

洛陽道八達洛陽城九重重關如隱起雙闕似芙蓉王
孫重行樂公子好遊從別有傾人處佳麗夜相逢

同前二首

徐陵

綠柳三春暗紅塵百戲多東門向金馬南陌接銅駝華
軒翼葆吹飛蓋響鳴珂潘郎車欲滿無奈擲如何

二

洛陽馳道上春日起塵埃濯龍望如水一作霧河橋渡似

雷聞珂知馬蹀傍慢見薨開相看得語密意眼中來

同前

王瑳

洛陽夜漏盡九重平旦開日照蒼龍闕煙遶鳳凰臺浮

雲翻似蓋流水到成雷曹王關鷄返潘仁載果來

同前二首

江總

德陽穿洛水伊闕邇河橋仙舟李膺棹小馬王戎鑣杏
堂歌吹合槐路風塵饒綠珠銜淚舞孫秀強相邀

二

小平臨四達

一作路四達

長楸聽五鐘玉節迎司隸錦車歸

濯龍絃歌聲不息環珮響相從花障蕩舟笑日映下山

蓬

同前

沈佺期

九門開路邑雙闕對河橋
白日青春道軒裳半夏朝
乘羊稚子看拾翠美人嬌
行樂歸恒晚香塵撲地遙

同前

白玉誰家郎迴車度天津
看花東陌上驚動洛陽人

同前

馮著

洛陽宮中花柳春洛陽道上無人行
皮裘氈帳不相識
萬戶千門閉春色
春色深君王一去何時尋
春色深春

雨洒周南一望堪淚下蓬萊殿中寢胡人鵲臺前放
胡馬聞君欲入西秦一作秦西行君行不用過天津天津橋
上多胡塵洛陽道上愁殺人

同前

任翻

幢幢洛陽道塵下生春草行者豈無家無人在家老鷄
鳴前結束爭去恐不早百年路傍盡白日車中曉求富
江海狹取貴山岳小二端立在途奔走無由了

同前


王貞白

喧喧洛陽路奔走爭先步唯恐著鞭遲誰能更迴顧覆
車雖在前潤屋何曾懼賢哉只二疏東門掛冠去

同前

于武陵

浮世若浮雲千迴故復新旋添青草塚更有白頭人歲
暮客將老雪晴山欲春行行車與馬不盡洛陽塵



文苑英華卷一百九十二

欽定四庫全書

集部

文苑英華卷一百九十三

四

詳校官太僕寺少卿_臣李廷欽

助教_臣常循覆勘

總校官進士_臣朱鈐

校對官中書_臣高 中

謄錄監生_臣官懋珩

欽定四庫全書

文苑英華卷一百九十三

宋 李昉等 編

樂府二

神仙篇三首

昇仙篇一首

昇天行三首

步虛詞十首

飛龍引三首

鳳簫曲一首

鳳笙曲一首

陽春歌六首

金

一作會

樂歌三首

白紵歌十八首

美女篇四首

日出東南隅四首

日出行三首

月重輪一首

泛舟行大江二首

雨雪曲六首

神仙篇

張正見集無

億舜日萬堯年詠湛露歌採蓮願雜百和氣宛轉金爐前

同前

盧思道

浮生厭危役

一作促

名岳共招携雲軒遊紫府風駟立

一作

上丹梯時見遼東鶴屢聽和一作南鷄玉英持作寶瓊

實採成蹊飛策揚輕電懸旌耀彩蜺瑞銀光似燭靈石

髓如泥寥廓鸞山右超遙樂府作越鳳州西一作超遙一丸

應五色特此救行迷

此詩二百三十五卷道門重出今已削去注異同

為一作

同前

魯杞樂府作杞

王遠尋仙至樂巴訪術迴乘空向紫府控鶴下蓬萊霜

分白鹿駕日映流霞杯煎金丹未熟醒一作醞酒樂初開

乍應觀海變誰肯畏年頽

昇仙篇

梁簡文帝

少室堪求道明光可學仙丹繒碧琳宇綠玉黃金篇雲
車了無轍風馬詎須鞭靈桃恒可餌幾迴三千年

昇天行三首

劉孝威類聚作曹植

乘橋一作躋追術士遠之蓬萊山靈液飛素波蘭柱上參

天文一作玄豹遊其下翔鸞一作鷗戲其巔乘風忽登舉仿

佛一作防隍見衆仙

二

扶桑之所生乃在朝陽谿中心陵蒼皓一作昊布葉蓋天

涯日出登東幹既夕沒西枝願得紆陽轡迴日使東馳

同前

盧思道

尋師得道訣輕舉厭人羣玉山候王母珠庭謁老君煎

為返魂藥刻作長生文飛策乘流電彫軒曳彩一作紫一作白

雲玄洲望不極赤野眇無垠金樓旦蹇嵯玉樹曉氛氲

擁琴遙可聽

一作望

吹笙遠詎聞不學

一作覺

蜉蝣子干侶

一作迨何紛紛

一作葬

道士步虛詞五首

庾信

渾成空教立元始正圖

一作塗

開赤玉靈文下朱陵真氣

來中天九龍館倒景八風臺雲度絃歌響星移宮殿迴

青衣上少室童子向蓬萊逍遙聞四會倏忽度三災

二

東明九芝蓋北燭

一作屬

五雲車

飄飄

入倒影

出沒

上煙

霞春泉下玉雷青鳥向金華漢帝看挑核齊侯問棗花
上元應送酒來向一作在蔡經家

三

歸心遊太極迴向入無名五香芬紫府千燈照赤城鳳
林採珠寶春一作龍山種玉榮夏笛三山響一作夏簧春

鐘九乳鳴絳河應遠別黃鵠來相迎

四

凝真天地表絕相一作想寂寥前有象猶虛豁忘形本自

然開經壬子世一作歲值道甲申年迴雲隨舞曲流水逐

歌弦石髓香如飯芝房脆似蓮停鸞譙瑤水歸路上鳴

天

五

洞靈尊上德虞石會明真要妙思玄絕一作紀虛無養谷

神丹丘乘翠鳳玄圃馭斑麟一作麟移梨付苑吏種杏乞

山人自此逢何世從今復幾春海無三尺水山成數寸

塵

同前

釋皎然

予因覽真訣遂感西城

作城

君玉笙下青真人間未曾聞

日華鍊精

一作魂

鬼精鬼

一作皎皎

無垢氛謂我有仙骨且令

餌氤氲俯仰媿靈顏願隨鸞鵠羣俄然動風馭縹緲歸青雲

同前

太清宮作

顧況

迥步遊三洞清心禮七真飛符超羽翼焚

一作禁

火醮星

辰殘藥沾鷄犬空

一作靈

香出鳳麟壺中無窄處願得一

容身

同前二首

陳羽

漢武清齋讀鼎書

一作內

官扶上畫雲車壇上月明宮

殿閉仰看星斗禮空虛

二

樓殿層層阿母家崑崙山頂駐紅霞
笙歌出見穆天子相引笑看琪樹花

同前

蘇郁

十二樓藏玉牒中鳳凰雙宿碧梧桐流霞淺酌留君醉
今夜吹簫第幾重

飛龍引二首

李白

黃帝鑄鼎於荆山鍊丹砂成黃金成黃金

六字集作丹砂成黃金

騎龍飛去太清

一作上

家雲愁海思令人嗟宮中綵女顏

如花飄然揮手凌紫霞從風縱體登鸞車

一作從登鸞車侍軒轅

侍軒轅

一作疊句

遨遊青天中其樂不可言

二

鼎湖流水清且閑，軒轅去時有弓劍。古人傳道留其間，

後宮嬋娟多朱

一作花

顏秉鸞飛煙亦不還。騎龍攀天造

天關，造天關聞天語長

一作迎

雲河車載玉女過紫皇。紫

皇乃賜白兔所擣之藥方。後天而老凋三光，下視瑤池

見王母蛾眉蕭蕭颯成

一作如

秋霜

同前

陳陶

有熊之君好神仙，食霞鍊石三千年。一旦黃龍下九天，
騎龍拊拊昇紫煙。萬姓攀髯髯墮地，啼呼弓劍飄寒水。

紫鸞八九墮玉笙金鏡空留照魑魅羽幢襪徙銀漢秋
六宮望斷芙蓉愁應龍下揮中園笑泓泓水遠青苔洲
瑞風颯還天光淺瑤闕戕戕橫露苑沆瀣樓頭紫鳳歌
三株樹下青牛飯鴻龐九闕相玉皇鈞天樂引金華郎
散花童子鶴衣短投壺姹女蛾眉長彤庭侍宴瑤池席
老兔春高桂宮白蓬萊下國賜分珪阿母金桃容小摘
仙流萬緘蠱篆春三十六洞交風雲千年小兆一蟬蛻
丹臺職亞扶桑君金烏試浴青門水下界蜉蝣幾迴死

鳳簫曲

雜言

沈佺期

八月涼風下高閣
千金麗人卷綃幕
已憐池上歇芳菲
不念君恩坐搖落
世上榮華如轉蓬
朝隨阡陌暮雲中
飛鷺侍寢昭陽殿
班姬飲恨長信宮
長信宮昭陽殿春
來歌舞妾自知
秋至容華君不見
昔時羸女厭世氛
學鳳吹簫乘綵雲
含情轉盼向蕭史
千載紅顏持贈君

鳳笙曲

前人

憶昔王子晉鳳笙遊雲空
揮手弄白日安能戀青宮
豈

無嬋娟子結念羅幃

一作帳

中憐壽不貴色身世兩無窮

陽春歌

柳顧言

春鳥一轉有千聲春花一叢千種名旅人無語出簷楹
思鄉懷土志難平唯當文共酒暫與興相迎

同前

顧野王

春草正芳菲重樓啓曙扉銀鞍俠客至拓彈宛

一作婉

童

歸池前竹葉滿井上桃花飛薊門寒水歇為斷流黃機

同前

吳邁遠

百里望咸陽知是帝京城

一作國

綠樹搖雲光春城起風

色佳人愛華景流靡園塘側妍姿艷月映羅衣飄蟬翼

宋玉歌陽春巴人長嘆息雅鄭不同賞那令君愴惻生

重愛

一作受

惠輕私自憐何極

同前

吳象之

簾低曉露濕簾卷鶯聲急欲起抱筵篴如疑彩絃溢孤
眼愁不轉點淚聲相及淨掃街上花風來更吹入

同前

檀約

青春獻初歲白日映雕梁蘭萌猶自短柳葉未能長已
見紅花發復聞綠草香秉此試遊行誰知心獨傷

同前

李白

長安白日照春空綠楊結煙垂裊風披香殿前花始紅
流芳發色繡戶中繡戶中相經過飛燕皇后輕身舞紫
宮夫人絕代歌聖君三萬六千日歲歲年年奈樂何

金

一作會

樂歌

梁元帝

鳴鳥怨別偶曙鳥憶離誰

一作家石門

闕

一作題書字

金燈

飄落花東風

一作方

曉星沒西山晚日斜穀衫迴廣袖團

扇掩輕紗暫借青驄馬來送黃牛車

同前

房篆

前漢流壁水後渚映青天登臺臨寶鏡開牕對綺錢玉
顏耀光彩羅袖拂金鈿春風散輕蝶明月映新蓮摘花
競時侶催栢及芳年

同前

梁簡文帝

槐花欲覆井楊柳正藏鴉山鑪好

一作當

無比玉構火牒

賒牀頭辟繩結鏡上領巾斜鐵鑊一作鍾種梁子銅樞生

秦一作棗花開門枕水柱一作拋城控一作按特言家

白紵歌

梁武帝

朱絲玉筋羅象筵飛管促節舞少年短歌流目未肯前

含笑一轉私自一作知憐

二

朱光灼爍照佳人含情遠一作送意遙相親嫣然一婉一作

轉亂心神非子之故欲誰因

此篇文苑英華接武帝前篇共是一首今郭茂倩
樂府折而為二其題作沈約夏白紵歌却別有武
帝一首如後

纖腰嫋嫋不任衣嬌怨獨立特為誰赴曲君前未忍歸
上聲急調中心飛

同前五首

張樂

秋風鳴

一作蕭

條露垂葉空閨光盡生

一作坐

愁妾獨向長

夜淚承睫山高水深

一作照非

路難涉望君光景何時接

二

遙夜風遠時既寒秋風蕭瑟白露團佳期不待歲月闌
念此遲暮獨無歡鳴絃流管增長嘆

三

歌兒流唱聲欲清舞女趨節體自輕歌舞並妙會人情

調一作依

絃度曲惟

一作婉

盈盈揚

一作娥

眉為態誰自成

一作自誠

四

遙夜忘寐起長嘆但望雲中雙飛翰明月入牖風吹幔

中夜悠悠坐中旦誰能知我中心亂終然有懷歲方晏

五

日暮寒門望所思風吹庭樹月入帷涼陰既滿草蟲悲
誰能離別長夜時流嘆不寐一作寢淚如絲與君之別終

何如

同前時四

隋煬帝

東宮春

前人

洛陽城邊朝日暉天淵池前春燕歸含露桃花開未飛

臨風楊柳自依依
小苑花紅洛水綠
清歌婉轉繁絃促
長袖逶迤動珠玉
千年萬歲陽春曲

江都夏

前人

梅黃雨細麥秋輕
楓樹蕭蕭江水平
飛樓綺觀軒若驚
花簾羅幃當夏清
菱潭落日雙鳬舫
綠水紅粧兩搖漾
還似浮桑碧海上
詎一作誰肯空歌採蓮唱

和同前

郭茂倩樂府作江都夏

盧茂

長洲茂苑朝夕池
映日含風結細漪
坐堂一作當伏檻紅

蓮披一作枝非雕軒洞戶青蘋吹輕幌芳煙鬱金馥綺簷花

簾桃李枝蘭苔翡翠但一作恒相逐桂樹鴛鴦恒並宿

長安秋

郭茂倩樂府又有茂此篇並附于此

露寒臺前曉露清昆明池水秋色明搖環動珮出曾城
鷗絃鳳管奏新聲上林蒲桃合縹緲甘泉竒樹上蒼青
玉人當歌理清曲婉好恩情斷復續

同前三首

李白

揚清歌發皓齒北方佳人東隣子且吟白紵停綠水長

袖拂面為君起寒雲夜卷霜海空胡風吹天飄塞鴻玉

顏滿堂曲

集作樂

未終館娃日落歌吹濛

一作深一無此句

二

月寒江深夜沉沉美人一笑千黃金垂羅舞縠揚哀音

郢中白雪且莫吟子夜吳歌動君心動君心冀君疑賞

願作天地雙鴛鴦一朝飛去青

一作綠

雲上

三

吳刀剪綺

集作絲

縫舞衣明粧麗服奪春暉揚目

集作眉

轉

袖若雲飛傾城獨立世所稀
激楚結風

舞名

醉忘歸高堂

月落燭已微玉釵掛纓君莫違

同前二首

楊衡

玉纓翠佩雜輕羅香汗微漬朱顏醺為君起唱白紵歌

清聲裊雲縈思

一作思縈

多疑笳哀瑟

一作琴

時相和金壺半

傾芳夜促梁塵霏霏暗紅燭令君安坐聽終曲墜葉飄

花難再復

二

躡珠履步瓊筵輕身起舞紅燭前芳姿艷態妖且妍迴
眸轉袖暗催絃涼風蕭蕭漏水一作急月華泛灩紅蓮
濕牽裙攬帶翻成泣

同前

陳標

吳女秋機織曙霜冰蠶吐絲月盈筐金刀玉指裁縫促
水殿花樓絃管長舞袖慢移凝瑞雪歌塵微動避雕梁
唯愁一作思陌上芳菲度狼籍鳳池荷葉黃

美女篇

蕭子顯

章丹

一作邯鄲

暫輟舞已姬請罷絃佳人淇浦出

一作洧上

豔趙

復傾燕繁穠既為李照水亦成蓮朝酤成都酒暝數河

間錢餘光幸未借

一作惜一作許借

蘭膏空自煎

同前

梁簡文帝

佳麗盡關情風流最有名約黃能效月裁金巧作星粉

光勝玉靚衫薄擬蟬輕密態隨流臉餘嬌逐語聲

一作嬌歌

逐軟聲

朱顏半已醉微笑隱香屏

同前

盧思道

京洛多妖艷餘春愛物華俱臨梁燈

一作水

一作恒臨

共採鄴園花時搖五明扇聊駐七香車情疏看笑淺嬌
深盼欲斜微津染長黛新溜濕輕紗莫言人未解隨君
獨問家

同前

王琚

東隣美女實名倡絕代容華無比方濃纖得中非短長
紅素天生誰飾粧挂樓椒閣木蘭堂繡戶雕軒文杏梁
屈曲屏風繞象床菱蕤翠帳綴香囊玉臺龍鏡洞徹光

金爐沉煙酷烈芳遙聞行珮音鏘鏘含嬌含笑出洞房
二八三五閨心切褰簾卷幔迎春節清歌始發詞怨咽
鳴琴一弄心斷絕借問哀怨何所為盛年情多心自悲
須臾破顏倏歛態一悲一喜併相宜何能見此不注心
惜無媒氏為傳音可憐盈盈直千金誰家君子為藁砧

日出東南隅行

沈約

朝日出邯鄲照我叢臺端中有傾城艷顧影織羅紈延
軀似織約遺視若迴瀾瑤粧映層綺金服炫雕欒幸有

周一作同

匡好西仕服秦官寶劍隨玉具汗馬飾金鞍紫

場類轉雪逸控寫

一作似

騰鸞羅襟

一作衣

夕解帶玉釵暮

垂冠

同前

蕭子榮

大明上迢迢陽城射陵霄光照牕中婦絕世同阿嬌明
鏡盤龍刻簪羽鳳凰雕逶迤梁家髻冉冉弱楚宮腰輕紈

雜重錦薄縠間飛綃三六前年暮四五今年朝蠶園拾

芳蠶

一作蠶籠拾芳翠

桑陌採桑

一作柔

條出入東城裏上下洛

西橋路逢車馬客飛蓋動襜褕單衣鼠毛織寶劍羊頭

銷大夫疲應對御

一作從

者輟連鑣

一作御鑣

住間徒脉脉垣

上幾翹翹女本西家宿君自上宮要漢馬三千

一作萬

足

夫婿仕嫖姚鞶囊虎頭綬左珥鳬盧貂橫吹龍鍾管奏
鼓象牙簫十五張內侍十八賈登朝皆笑顏郎老盡訝

董公超

同前

盧思道

初月正如鉤懸光入鏡

一作綺

樓樓中可憐妾如恨亦如

羞深情出艷語密意滿橫眸楚腰寧且細孫眉本未愁
青玉勿當取雙銀詎肯一作可留會待東方騎遙居最上
頭

同前

李白

秦樓出佳麗正值朝日光陌頭能駐馬花處復添香

日出行

蕭撝

昏昏隱遠霧團團乘陣雲正值秦樓女含嬌酬使君

同前

李白

日出東方隈似從地底來歷天又復入西海六龍所舍

安在哉其行終古不休息

一作始與終古不息

人非元氣安得與

之久徘徊草不謝榮於春風木不怨落於秋天誰將

集作

揮鞭策驅四運萬物興歇皆自然羲和羲和汝奚汨沒

於荒淫之波魯陽何德駐景揮戈逆道違天矯誣實多

吾將括囊

集作囊括

大塊浩然與溟滓同科

同前

李賀

白日下崑崙發光如舒絲徒照葵藿心不見遊者

集作子

悲浙浙

集作折折

黃河曲日從中央轉暘谷耳曾聞弱

集作若

水眼不

一作不可

見奈何爍石胡為銷人昇能彎弓屬矢那

不中足令烏不得翔火不得奔詎教晨光夕昏

月重輪

戴嵩

皇基屬明兩副德表重輪輪重非是暈桂滿自恒春海

珠全更滅

一作減

階藎翳且新婕妤比團扇曹王譬洛神

浮川疑讓壁入戶類燒銀從來看顧兔不曾聞關麟北

堂豈盈手西園徧照人

泛舟橫大江

梁簡文帝

滄波白日暉遊子出王畿
旁望重山轉前觀遠帆稀
廣水浮雲吹江風引夜衣
旅鴈同洲宿寒鳧夾浦飛
行客誰多興當念早旋歸

同前

張正見

大江脩且濶揚舲度迴磯
渡中盡鷁涌帆上錦花飛
舟移停集作浦月棹舉濕春衣
王孫若定一作客若遠誰

得一作送將歸

詎得

雨雪曲

王筠

樂府作江暉

邊城風雪至客

一作遊

子自心悲風哀笳弄斷雪暗馬行

遲輕生本為國重氣不關私恐君猶未信撫劍一揚眉

同前

張正見

胡關辛苦地雪露遠漫漫含冰踏馬足雜雨凍旗竿沙
漠飛恒暗天山積轉寒無因辭日逐團扇掩齊紈

同前

江總

雨雪阻榆溪從君度隴西遶陣看狐跡依山見馬蹄天

寒旗彩壞地暗敲聲低漫漫愁雲起蒼蒼別路迷

同前

陳暄

都尉出祁連雨雪滿鷄田雕陵持抵鵲屬國用和氈冰
合軍應度樓寒烽未燭一作燃花迷槎未著踈勒復經年

同前

謝燮

朔邊昔離別寒風復淒切戕戕六尺冰飄飄千里雪深
閉一作塞袁安戶行封蘇武節用一作應隨隴水流幾迴一作
過凝鳴咽

同前

盧照隣

虜騎三秋入關雲萬里平雪似胡沙暗冰如漢月明高
關銀為關長城玉作城節旄零落盡天子不知名

文苑英華卷一百九十三

欽定四庫全書

文苑英華卷一百九十四

宋 李昉等 編

樂府三

公子行九首

少年行四十二首

輕薄篇五首

公子行

劉希夷

天津橋下陽春水天津橋上繁華子
馬聲迴合青雲外人影搖空綠楊裏

一作搖揚
綠波裏

碧波蕩漾玉為沙

一作綠
波清迴

玉為砂

青雲離披錦作霞可憐楊柳傷心樹可憐桃李斷

腸花此日遨遊看美女此時歌舞入倡家倡家美女鬱

金香飛去飛來公子傍灼灼

一作灼灼的

珠簾白日映娥娥玉

貌

一作顏

紅粉粧花際徘徊雙蛺蝶池邊顧步兩鴛鴦傾

國傾城漢武帝為雲為雨楚襄王古來容光人所羨况

復今日遙相見願作輕羅着細腰願為明鏡分嬌面與

君相向轉相親與君相栖共壹身願言

一作願作

真松千歲

古誰論芳槿一朝新百年同謝西山日千秋萬古北邙

塵一有此二句

同前

常建

日日乘釣舟
嫋嫋持釣竿
涉淇傍荷花
驄馬閑金鞍
俠客白雲中
腰間懸轆轤
出門事嫖姚
為君西擊胡
胡兵漢騎相
馳逐野戰孤
軍西海曲
百尺旌竿沉
黑雲邊笳
落日不堪聞

同前

司空曙

纏臂繡綸巾
貂裘窄稱身
射禽風助箭
驟馬雪飛塵
金

埽爭開道香車為駐輪翩翩不知處應是霍家親

同前

于鵠

少年初拜大長一作大常秋半醉垂鞭見列侯馬上抱雞三

市鬪袖中携劒五陵遊玉簫金管迎歸院錦繡一作紅

粧擁上樓更向苑東新買宅月陂一作碧波春水入門流

同前

李商隱

一盞新羅酒凌霜一作晨恐易銷歸應衝鼓半去不待笙

調歌好難愁和香多不一作濃豈惜飄春塲鋪艾帳下馬雉

媒嬌

同前

雍陶

公子風流嫌

一作輕

錦繡新裁白紵作春衣金鞭留當誰

家酒拂柳穿花信馬歸

同前

韓琮

紫袖長衫色銀蟬

一作蟾

半臂花帶裝

集作長

盤水玉鞍繡

坐雲霞別殿承恩澤飛龍賜渥注控羅青裊縵鏤象碧

重葩意氣催歌舞闌珊走鈿車袖障

一作彰

雲縹緲釵轉

鳳歌斜珠卷迎歸箔紅籠晃醉紗唯無難夜日不得似
仙家

同前二首

聶夷中

漢代多豪族恩深益驕逸走馬踏殺人街吏不敢詰紅

樓宴青春數里望雲蔚金缸焰

一作艷

勝畫不畏落暉疾

美人盡如月南威莫能

一作不敢

匹芙蓉自天來不向水中

出飛瓊奏

一作綺席宴

雲和碧簫吹鳳質唯恨魯陽死無人

駐白日

二

花樹出牆頭花裏誰家樓一行書不讀身封萬戶侯美人樓上歌不見古涼州

少年行

吳均

董生能巧笑子都信美目百事一作萬市一言千金買相

逐不肴參差菜誰能一作論窈窕淑願言奉一作捧繡被來

就越人宿

同前

沈炯

長安妙少年，驄馬鐵連錢。陳王裝馬腦，晉后鑄金鞭。步

搖如飛，驚寶劍。

一作鏑劍

似舒蓮，去來新市北。遨遊大道邊，

倏忽作老翁。顏鬢似衰蓬，自言生漢代。少小見英雄，五

侯俱拜日。

一作拜爵，又作日拜。

七貴各論功，建章連北闕。

一作通北闕。

複道應

一作度。

南宮，太后居長樂。天子出迴中，玉輦迎飛

鷺。金山賞鄧通，一朝復一日。忽見市朝空，扶桑無復海。

崑山倒向東，少年何暇問顏齡。遇

一作值。

福終，子孫寔滅

盡鄉里。

一作問。

不復同淚盡，眼方暗。脾傷耳自聾，杖策尋

遺老歌笑

一作嘯

詠悲翁追隨各有遇非敢訪童蒙

同前

李百藥

少年飛翠蓋上路勒金鑣始酌文君酒新吹弄玉簫少

年不

一作子

歡樂何以

一無此二字

盡芳朝千金笑裏面一搦

撐

一作抱

中腰掛纓誰

一作冠豈

憚宿落珥

一作拜迎

不勝嬌寄語

一無此二字

少年子無辭歸路遥

同前

張昌榮

少年不識事落魄遊韓魏珠軒流水車玉勒浮雲騎縱

橫意不一然諾心無二白璧贈穰苴黃金奉毛遂妙舞
飄龍管清歌吟鳳吹三春小苑遊千日中山醉直言身
可沉誰論名與利依倚孟嘗君自知能市義

同前

鄭愔

潁川豪橫客咸陽輕薄兒田實方貴幸趙李新相知軒
蓋終朝集笙竽此夜吹黃金盈篋筭白日忽西馳

同前四首

王維

新豐美酒斗十千咸陽遊俠多少年相逢意氣為君飲

繫馬高樓垂柳邊

二

出身仕漢羽林郎初隨驃騎戰漁陽孰知不向邊廷苦

一作死縱死猶聞俠骨香

三

一身能擘

一作臂

兩彫

與同

弧虜騎千重

一作羣

祇似無偏

坐金鞍調白羽紛紛射殺五單于

四

漢家君臣歡宴終高議
雲臺論戰功天子臨軒賜侯印
將軍珮出明光宮

同前三首

杜甫

馬上誰家白面郎臨軒

一作街

下馬坐人床不通姓字麤

豪甚指點銀瓶索酒嘗

二

莫笑田家老瓦盆自從盛酒長兒孫
傾銀注玉

集作瓦

驚

人眼共醉終同臥竹根

杜集作臨街下馬此云臨軒下馬杜集作傾銀注
瓦此云傾銀注玉皆當以此書為正蓋謬為俗子
改易此所以重古本也

三

巢鷺養兒渾去盡江花結子也無多黃衫年少來宜數
不見堂前東逝波

同前三首

李白

君不見淮南少年遊俠客白日毬獵夜擁擲呼盧百萬

終不惜報讐千里如咫尺少年遊俠好經過
渾身裝束皆綺羅蘭蕙相隨喧妓女風光去處滿
笙歌驕矜自言不可有俠士堂中養來久好鞍好馬
乞與人十十五十旋沽酒赤心用盡為知己黃金不
惜栽桃李桃李栽來幾度春一迴花落一迴新
府縣盡為門下客王侯皆是平交人男兒百年且樂
命何須狗一作讀書受貧病男兒百年且榮身何須狗節
甘風塵衣冠半是戰征士一作征戰窮儒浪作林泉民
遮莫枝根長百丈不如當代多還往

遮莫親姻連帝城不如當身自簪纓看取富貴眼前者
何用悠悠身後名

二

青雲少年子挾彈章臺左鞍馬四邊開突如流星過金
丸落飛鳥一作肉夜入一作深瓊樓卧夷齊是何人獨守西

山餓

三

五陵年少金市東銀鞍白馬度春風落花踏盡遊何處

笑入胡姬酒肆中

同前

一作渭城少年行

崔顥

洛陽二月梨花飛秦地行人春憶歸
揚鞭走馬城南陌
朝逢驛使秦川客驛使前日發章臺
傳道長安春早來
棠梨宮中驚初至
葡桃館裏花正開
念此使人歸更早
三月便達長安道
長安道上春可憐
搖風蕩日曲江邊
萬戶樓臺臨渭水
五陵花柳滿秦川
秦川寒食盛繁華
遊子春來不見一作喜家
鬪雞下社春初合
走馬章臺日

半斜章臺帝城稱貴里青樓日晚歌鐘起貴里豪家白

馬嬌

一作驕

五陵年少不相饒雙雙挾彈來金市兩兩鳴

鞭上渭橋渭城橋頭酒新熟金鞍白馬誰家宿可憐錦
瑟箏琵琶玉壺清酒就君家小婦春來不解羞嬌歌一
曲楊柳花

同前

此詩見二百五卷

崔國輔

同前二首

王昌齡

西陵俠少年送客過長亭青槐夾兩路白馬如流星聞

道羽書急單于寇井陘氣輕浮道

一作

難

一作氣高

誰

願一作

燕山銘

二

走馬還相尋西樓下夕陰結交期一劍留意贈千金高

閣歌聲遠重門

一作

柳色深夜闌須盡醉莫負百年心

同前

一作邯鄲少年行

高適

邯鄲城南

一作

遊俠子自言

一作

生長邯鄲裏千場縱

博家仍富幾度

一作

報讐身不死宅中歌舞日紛紛門

外車馬常

集作蟲
人作長

如雲

三字一作
如雲屯

未知肝膽向誰是令

人却憶平原君不見即今

集作
今人

交態薄黃金用盡還踈

索以茲感嘆

一作
激

辭舊遊更於時事無所求且與少年

飲美酒往來射獵西山頭

同前

吳象之

承恩借獵小平津使氣常遊中貴人一擲千金渾是膽
家無四壁不知貧

同前四首

李嶷

十八羽林郎戎衣侍漢

一作事漢

王臂鷹金殿側挾彈玉輦

一作興

旁馳道春風起陪遊出建章

二

侍獵長楊下承恩更射飛塵生馬影滅箭落鴈行稀薄

暮隨天

一作歸隨

仗聯翩入鑠闌

三

玉劍腰邊橫金盃馬上傾朝遊茂陵道夜

一作暮

宿鳳凰

城豪吏多猜忌無勞問姓名

同前

韓翃

千點爛煇噴玉駝青絲結尾繡纏駮

集作驂

鳴鞭曉出章

臺路禁葉春衣楊柳風

同前

一作長安少年行

釋皎然

翠樓春酒蝦蟆陵長安少年皆共矜紛紛半醉綠槐道
蹀躞花駝驕不勝

同前二首

李益

君不見上宮警夜營八屯
𡩖𡩖街鼓朝朱軒玉堦霜仗

擁未合少年排入銅龍門暗聞絃管九天上宮漏沉沉

清吹繁平

一作纔

明走馬絕馳道呼鷹挾彈通繚垣玉籠

金鎖養黃口探雛取卵伴王孫分曹六博快一擲迎歡

先意笑聲喧巧為柔媚學優孟儒衣嬉戲冠沐猿晚來

香街經柳市行過倡舍宿桃根相逢酒後

一作盃酒

一言失

迴朱點白聞至尊金張許史伺顏色王侯將相莫敢論

豈知人事無定勢朝歡暮戚如掌翻椒房寵移子愛奪

一夕秋風生戾園徒用黃金將買賦寧知白玉暗成痕

持盃收水水已覆徙薪避火火更燔欲求四老張丞相
南山如天不可上

二

生長邊城傍出身事弓馬少年有膽氣獨獵陰山下偶
與匈奴逢曾擒射鵬者名懸壯士籍請君少相假

同前

張籍

少年從獵去

集作獵出
又作出獵

長楊禁中新拜羽林郎獨對輦

前射雙虎君王手賜黃金璫白日關雞傍新市

一作日
日關雞

都市裏贏得寶刀重刻字百里報讐夜出城平明還抵一作

在倡樓妓遥聞虜到平陵下不待勅集作書行上馬斬

得戎一作名王獻挂官封侯起宅一作第一日中不為北一作

六郡良家子百戰乃得一作始取邊城功

同前五首一作長安少年行李廓

金紫少年郎繞街鞍馬光身從左中尉官屬右春坊刻
戴揚州帽重熏異國香垂鞭踏青草來去杏園芳

二

追逐輕薄伴閒遊不著緋長櫬出獵馬數換打毬衣曉
日尋花去春風帶酒歸青樓無晝夜歌舞歇時稀

三

新年高殿上始見有光輝玉鴈排方帶金鵝立仗衣酒
深和碗賜馬疾打珂飛朝下人爭看香街意氣歸

四

戟門連日閉苦飲惜殘春開鎖通新客教姬屈醉人請
歌牽白馬自舞踏紅茵時輩皆相許平生不負身

五

遨遊携豔妓裝束是男兒杯酒逢花住笙歌簇馬吹鶯聲催曲急春色訝歸遲不似聞街鼓華筵待月移

同前

杜牧

官為駿馬監職帥羽林兒兩綬藏不見落花何處期獵敲白玉鐙怒袖紫金鉞田竇長留醉蘇辛曲讓一作岐護

豪持出塞節笑別遠山眉捷報雲臺賀公卿拜壽卮

同前

雍陶

不倚軍功有俠名，可憐毬獵少年情。
戴鈴健鶻隨聲下，撼珮驕驄弄影行。
覓匠重裝燕客劍，對人新按越姬箏。
豈知儒者心偏苦，吟向秋風白髮生。

同前二首

僧貫休

錦衣鮮華

一作潔

手擎鶻閒行，氣貌多輕忽。
稼穡艱難總

不知三皇五帝是何物

二

自拳五色毬，送入他人宅。
却促蒼頭奴，玉鞭打一百

同前二首

王貞白

遊讌不知厭杜陵
狂少年花時輕暖酒
春服薄裝綿戲
馬上林苑鬪雞寒
食天魯儒甘被笑
對策鬚皤然

二

弱冠投邊急驅兵
夜渡河追奔鐵馬
走殺虜寶刀靴威
靜黑山路氣含一作吞
清海波常聞為突
騎天子賜長戈

輕薄篇

何遜

城東美少年重身輕萬億
拓彈隨珠丸白馬黃金飾長

安九達上青槐陰

一作
蔭

道植轂擊晨已喧肩排冥不息

走狗通四

一作
息

望牽牛亘

一作
向

南直相期百戲傍去來

三市側象牀沓繡被玉盤傳綺食倡女掩扇歌小婦開
簾織相看獨隱笑見人還歛色黃鶴悲故鄉山川詠新
識鳥飛過客盡雀聚行龍匿酌酒方厭厭此時歡無極

同前

張正見

洛陽美少年朝日正開霞細踏聯鑣

一作
連錢

馬傍趨首當

花揚鞭却還望春色滿東家井挑映水落門柳雜風斜

綿蠻弄青綺，蛺蝶遶承華。欲往飛廉館，遙駐李倫車。石

榴傳馬腦，蘭肴奠象牙。聊持自一作自持娛樂，未是關豪奢。

莫嫌龍馭曉，一作晚扶桑復浴鵝。

同前

李益

豪不必馳千騎，雄不在垂雙鞭。一作韃天生雋氣自相逐，

出與鵬鷃同飛翻。朝行九衢不得意，下鞭走馬城西原。

忽聞燕鴈一聲去，迴鞍挾彈平陵園。歸來青樓曲未半，

美人玉色當金樽。淮陰少年不相下，酒酣半笑倚市門。

安知我有不平色白日欲顧

一作集作願

紅塵昏死生容易如

反掌得意失意由一言少年但飲莫相問此中報讐兼

一作報恩

同前二首


釋貫休

繡林錦野春態相壓誰家少年馬蹄蹋蹋鬪雞走狗夜
不歸一擲賭却如花妾唯言不顛不狂其名不彰悲夫

二

木落蕭蕭蛩鳴唧唧不覺朱萸臉紅霜劫鬢漆世途多

事泣向秋日方今一作吟少壯不努力老大徒傷悲如何



文苑英華卷一百九十四